



Centar za zastupanje  
građanskih interesa

## Potrošeno preko 3 milijarde i 800 miliona KM u ništa

Datum: 20 mart 2011. Godine

Međunarodni monetarni fond (MMF) je u svojem zvaničnom i objavljenom dokumentu projicirao da će ukupni rashodi administracije u BiH u ovoj godini biti 8 milijardi 619 miliona KM. Prema tome, državni aparat troši 273 KM u svakoj sekundi, pa je od općih izbora održanih 4. oktobra 2010., bez ikakvih planova i po inerciji, potrošeno preko preko 3 milijarde i osamsto miliona KM, velikim dijelom na plate i naknade korisnika budžetskih sredstava.

Dok građani redovno uplaćuju poreze i pune državne kase, državna vlast još uvijek nije formirana, a Vlada u tehničkom mandatu svejedno troši novac poreznih obveznika. Javna potrošnja je izmakla kontroli odgovornih institucija. Od izbora je prošlo pet mjeseci, a vrijeme se, umjesto na konkretne korake u pravcu oporavka zemlje, troši na političku borbu za

prevlast.

Damir Mehmedbašić, izvršni direktor Centra za zastupanje građanskih interesa - Fondacije CPI, je ovom prilikom izjavio:

„Od 02 oktobra 2010. godine smo izgubili 37 miliona KM (6,7 miliona KM mjesečno), potrošenih na plate i naknade dužnosnika na svim nivoima vlasti koji su skoro pola godine sjedili besposleni. Iskreno se nadamo da su oni kojima smo na izborima dali svoje povjerenje, napokon pronašli način da formiraju vlast na entitetskom i kantonalnom nivou. Nova politička kriza ne bi nimalo naškodila političarima, oni će sebi svoju plaću svejedno isplatiti, nego građanima i preduzetnicima u Bosni i Hercegovini koji finansiraju vlasti, a zauzvrat dobiju jedno veliko ništa.“

Svjetska banka je već zaustavila isplatu 110 miliona EUR podrške budžetima BiH, a svaki dan na adrese državnih institucija stižu odgovori iz EU i međunarodnih finansijskih institucija da praktično ne znaju sa kim u BiH da pričaju o konkretnim projektima, tvrde u Ministarstvu finansija i trezora.

Dok se vlast još ne formira, građani i dalje plaćaju za proizvod koji se ne koristi.

CPI je nevladina, neprofitna organizacija koja prikupljanjem, analizom i objavljivanjem podataka od interesa za građane, te njihovom promocijom, aktivno podržava izgradnju civilnog društva. Fondacija CPI nastoji omogućiti da javni i verifikirani podaci važni za građane BiH budu lako dostupni u kontekstu i na način kojeg može razumjeti građanin koji se profesionalno ne bavi javnom administracijom i javnim finansijama.

